



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXXII. De prophetante caballo & hastis.

urn:nbn:de:hbz:466:1-41527

*De tribus aliis
continis seu fa-
nis.*

obedientiarum vellendo & plantando, adificando & destruendo apud illam gentem profecisset. Tres verò aliarum Continarum, minus venerationis habebant, minusque ornatae fuerant. Sedilia tantum intus in circuitu extructa erant & mensae: quia ibi conciliabula & conuentus suos habere soliti erant. Nam, siue potare, siue ludere, siue seria sua tractare vellent, in eadem ad certis diebus conueniebant & horis.

*Quercus pro
numine culta.*

Erat praeterea ibi quercus ingens & frondosa, & fons subter eam amoenissimus; quam plebs simplex numinis alicuius inhabitatione sacram aestimans, magna veneratione colebat. Hanc etiam Episcopus, cum post destructas Continis incidere vellet, rogatus est à populo, ne faceret. Promittebant enim nunquam se ulterius sub nomine religionis nec arborem illam culturos, nec locum: sed solius umbræ atque amenitatis gratia; quia hoc peccatum non sit, saluare illam potius, quam saluari ab illa se velle: qua suscepta promissione, Acquiesco, inquit, Episcopus, de arbore: sed illud viuum nomen sordium vestrarum, de medio tolli oportet. quia nec augurium, nec sortilegium exercere Christianis licet.

De prophetante caballo & hostis.

CAPVT XXXII.

Sesquid.



Habebant enim caballum mirae magnitudinis & pinguem nigri coloris & acrem valde. Iste toto anno vacabat, tantaque fuit sanctitatis, ut nullum dignaretur fessorem: habuitque vnum de quatuor sacerdotibus templorum, custodem diligentissimum. Quando ergo itinere terrestri contra hostes, aut praedatum ire cogitabant, euentum rei hoc modo per illum solebant praediscere. Hastae nouem disponebantur humi, spatio vnus cubiti ab inuicem disiunctae. Strato ergo caballo atque frenato, sacerdos, ad quem illius pertinebat custodia, tentum freno per iacentes hastas in transuersum ducebat ter atque reducebat. Quod si pedibus inoffensis, hastisque indisturbatis equus transibat, signum habuere prosperitatis, & securi pergebant.

*Mirabilis ratio
explorandi e-
uentum belli.*

Hoc

Hoc ergo genus sortium, aliasque ligneas calculationes, in quibus naualis pugnae vel praedae considerabant auguria, quamuis multum renitentibus aliquibus, tandem DEI auxilio penitus abrafit, ipsumque profani vaticinij caballum, ne simplicibus esset offensionis laqueus, in aliam terram vendi praecipit; asserens hunc magis quadrigis, quam prophetiis idoneum. Cumque omnes superstitiones & enormitates suas, Episcopo docente, abiiecissent, monuit, ut omnes Christianos fratres suos reputantes nec venderent, nec interficerent, neque captiuando torquerent, nec terminos eorum turbarent; sed fraternè ac socialiter se cum omnibus gererent; eademque ab illis mutuo sperarent; & quod omni immanitate crudelius erat, femineos partus enecare, ne ultra fieret, mulieres collaudare monebat. Nam usque ad haec tempora, si plures filias aliqua genuisset, ut caeteris facilius prouiderent, aliquas exiis iugulabant, pro nihilo ducentes parricidium.

Equum superstitionis Minister venditur.

Salubria monita Stetinensibus data.

Barbara immanitas.

De profectu Ecclesiae post abdicationem simulacrorum, & de morte improbi sacerdotis.

CAPVT XXXIII.

Mundata igitur ciuitate ab immanitate scelerum & spurcitiarum: abdicata etiam coningum pluralitate, adiuuantibus & coeuangelizantibus illis, qui ante vniuersalem populi consensum, fidem quasi priuatim acceperant, sunt catechismi per vicus, & capita platearum; tuba insonat Euangelij; Cruces eriguntur; crucifixus adoratur; omnis aetas, omnis lingua Christum nominat, Christum ruminat, verbaque fidei aut discunt omnes, aut docent. In tam ingenti autem ciuitate, quae nongentos patres familias absque paruulis & mulieribus & reliqua multitudine numeratos habebat, non est inuenta persona, quae post generalem consensum, ab Euangelij veritate se subtrahere nite-

Sesiduo.

Catechismus per capita. Cruces eriguntur.

Omnes Stetinenses ad fidem transeunt, unico sacrificio excepto.

m

tere-